

泉山承天寺重光禪送

泉州承天寺修建委员会编

泉州承天寺重光碑记

一九九零年十月印

目 录

泉州承天寺重建

闽南甲刹准绳功

承天寺重建落成礼赞

敬颂宏船大师重光闽南甲刹

赞励王君今生兴复古城丛林

承天寺重建

重过承天寺

重修承天寺书喜

重建承天寺感赋

赞颂宏船大师兴修承天寺

重修承天寺纪游

承天寺重建

杜仙洲

吴捷秋

吴捷秋

陈允敦

陈允敦

陈存广

陈泗东

陈祥耀

陈瑞熙

陈腾芳

张圣怀

林英仪

一 一 二 三 三 四 四 五 七 八 九

承天寺重光感咏

为重修承天寺而歌

喜重修承天寺

重修承天寺喜赋

赞王今生修护文物古迹

重修承天寺喜赋

重建承天寺有感

重游承天寺

承天寺重建落成喜赋

宏船法师重谒承天寺

后记

柯乔木

洪国龙

黄乐德

黄天柱

黄潜蛟

傅佩韩

詹振裕

蔡湘江

廖渊泉

薛俊安

编者

十

十

十一

十二

十二

十三

十四

十四

十五

十五

十六

泉州承天寺重建

丁卯初春

杜仙洲

泉南多胜迹，

甲刹复重光。

古建多奇巧，

文修贯李唐。

闽南甲刹准绳功

吴捷秋

丁卯元宵后三日，泉州承天寺修建
委员会主任王今生同志，延请国家文物
局杜仙洲、马瑞田二位高级工程师惠临
指导，即席赋赠。

月台重建夺天工，

乞得神仙下刺桐。

冀北专家营造法，

闽南甲刹准绳功。

初成奥妙窥三殿，

复证锋芒听二公。

彩饰素施雕琢处，

宏瞻古寺展文风。

承天寺重建落成礼赞

吴捷秋

浩劫十年古刹墟，

月台空剩废禅间。

高僧重建施宏愿，

宝殿落成复本初。

任托前侯推众望，

力恢旧貌副民舆。

泉南佛国声名久，

三大丛林岂可虚。

中轴定庚立矩规，

大雄宝殿两廓随。

庄严法相金身造，

壮丽梵宫瑞气披。

古建工师兴绝艺，

善缘檀越乐输资。

名城文化千秋史，

礼赞开光献拙词。

敬颂宏船大师重光闽南甲刹

陈允敦

留尉南园皈净土，

月台基奠鸚山阳。

奇传巨木浮龙井，

无有一尘染佛堂。

卓锡僧伽钦杰出，

可怜甲刹委兵荒。

炎洲托砵重光切，

释氏辛勤胜迹扬。

赞励王君今生兴复古城丛林

陈允敦

伊昔桐城称佛国，

丛林鼎立各传奇。

桑开莲彩星霜瑞，

钟响松湾远近诗。

八景联辉相映美，

一场横扫不胜悲。

护持文物君无畏，

兴复承天载口碑。

承天寺重建

陈存广

留家园地起伽蓝，

古刹温陵足鼎三。

浩劫千秋余片瓦，

巨功一役复全龛。

月台客去诗笼碧，

星岛僧归道化南。

欲叩禅关谁棒喝，

鸚山暮鼓待长参。

重过承天寺

陈泗东

多方辛苦事千秋，

喜见莲宫复饰修。

选匠择材倾晋水，

募资托钵赖星洲。

移来宋塔光三宝，

摹刻明书品一流。

名宦高僧同种德，

善缘广结泽长留。

又

未空地獄難成佛，

鷄犬攀龍豈是神？

堪惜芸芸長不悟，

劇怜渺渺總是津！

承天月色輝千古，

及地心華艷萬春。

我願焚香勤頂禮，

慈航早化宰官身。

重修承天寺書喜

陳祥耀

開元承天與崇福，

吾泉叢林屈指先。

幼隨從伯訪題刻，

吾游最早實承天。

榜書當門拜雄勁，

鵠立每在月台前。

林公碑記筆秀逸，

手儀心慕亦有年。

稍长寺中识开士，

昙昕慧田尤有缘。

同学同心人三五，

时时结伴恣留连。

烹茶煮素谈倾抱，

缁俗无间兴适然。

后来驻锡有弘公，

硕德共尊一代贤。

听经纪录蒙手削，

求书拜谒意诚虔。

依傍法相留片影，

夕阳红处绿树妍。

此景历历藏心目，

偶尔回思辄邈绵。

五十余年事倏忽，

死生聚散多变迁。

不图兹寺亦久废，

我复如参禁足禅。

重游无计生白发，

旧情旧迹自咀咽。

迹者有心人奋起，

大愿是发大任肩。

鳩資興建矢不懈，

欲使殿宇漸齐全。

功肇事举出望外，

行见瞻望人骈联。

沾受不徒限时辈，

那禁欣喜歌兹篇。

重建承天寺感赋

陈瑞熙

依旧山门仄径深，

交柯古树一庭阴。

冈陵碣石难寻迹，

谁复术听鸚鵡吟。

不染埃尘有佛堂，

瑶台月影石梅香。

招提诗刻梅溪句，

奇景来探兴味长。

十年历劫叹沉沦，

寺亦如人有不辰。

盛世今逢文物重，

梵宫复建佛金身。

灯传域外耀炎方，

法雨欣看泽梓桑。

赖有星洲贤弟子，

泉南甲刹庆重光。

赞颂宏船大师兴修承天寺

陈腾芳

起自南唐留苑庄，

漫长寺史几沧桑。

供斋耕稼施千顷，

凭眺景观赋十章。

宝殿巍峨难渡劫，

僧伽杰出庆传光。

宏船普渡汪洋阔，

从此承天缙素忙。

重修承天寺纪游

张圣怀

造化存真理，

盈虚自有时。

菩提且明灭，

兰若亦推移。

云散鸚声转，

花浓月影迟。

敲门归岛佛，

吟味入清卮。

承天寺重建

林英仪

闻说高僧灵隐回，

施医赠塔袖飞来。

唐侯东阓舍阡顷，

留使南园起月台。

鱼鳖禅参池里定，

鸚哥山在难中摧。

三千尘劫焉能再，

佛国重光盛典开。

承天寺重光感咏

柯乔木

丛林千古废更兴，
十景奇诗总系情。

历尽沧桑梅石在，
几经风雨老榕横。

闽南甲刹思云果，
重建承天赞大僧。

遥望鸚山云暮起，
神灯梵宇夜长明。

为重修承天寺而歌

洪国龙

泉南佛国话桑田，
甲刹承天含晓烟。

化雨绵绵扬法界，
宏宗奕奕喜参禅。

大雄宝殿九洲仰，
屹立鸚山万古传。

胜果争攀先砺志，
荣枯何必问流年。

喜重修承天寺

黄乐德

丙午惊风动地来，

庄严法相亦罹灾。

金炉委弃埋荒草，

绣幔低垂付劫灰。

粉壁朱门紫薜荔，

雕栏玉柱没蒿莱。

千年古刹钟声寂，

蛛网流萤乱月台。

丁卯春风细雨回，

劫灰净尽百花开。

大师着意光佛宇，

巧匠精心复殿台。

三进朱甍连碧树，

重檐绛瓦映玉陔。

晨钟暮鼓清音在，

梅石香沾释院苔。

重修承天寺喜赋

黄天柱

寺肇鸛山千古传，

声蜚海宇绽华莲。

一尘不染清修地，

十景争奇极乐天。

风送晨钟思圣谛，

井凝甘露结众缘。

红羊劫后连云起，

喜见殿堂绕紫烟。

赞王今生修护文物古迹

黄潜蛟

龙城飞将保边疆，

国士肩危护佛场。

浩气干云邪气敛，

千灯坠地一灯光。

桑莲不殉红羊劫，

梵呗犹参白鸽肠。

拨乱治平双侠胆，

承天又继开元昌。

重修承天寺喜賦

傅佩韓

閩南甲刹早名揚，

寺號頻更歲月長。

寂歷禪堂塵不染，

婆娑梅影石生香。

高僧說法天花墜，

賢守題詩翰墨芳。

莫待細稽興廢事，

且看緇素禮空王。

承天古寺貌雄恢，

猶記听經几度來。

輻輳四方香客至，

星羅八景畫圖開。

佛陀本自超塵世，

兰若緣何付劫灰。

此日中兴凭愿力，

月台今喜胜瑶台。